

AKASHVANI(AIR)
RNU:KOLKATA
BengaliText Bulletin

Date 25-12-2025

Time: 7.50 P.M.

বিশেষ বিশেষ খবর -

১) দেশের প্রাক্তন প্রধানমন্ত্রী ভারতরত্ন অটল বিহারী বাজপেয়ীর জন্মদিনটি আজ সুশাসন দিবস হিসেবে পালিত হচ্ছে। প্রধানমন্ত্রী নরেন্দ্র মোদী বলেছেন অটলজীর উদ্যোগে গৃহীত প্রকল্পগুলি দেশের উন্নয়নের চিত্র বদলে দিয়েছে।

২) দেশের বিভিন্ন অংশের পাশাপাশি রাজ্য বিজেপি আজ যথাযথ মর্যাদায় প্রাক্তন প্রধানমন্ত্রী অটল বিহারী বাজপেয়ীর ১০১-তম জন্মজয়ন্তী পালন করছে।

৩) ভারতীয় রেল এরাজ্যে হাওড়া-খড়গপুর ডিভিশনে রেলসেতু পুনর্নির্মাণ সহ পরিকাঠামো উন্নয়নের এক বড় প্রকল্পের ৪-শো ৩১ কোটি টাকার বেশি অর্থ অনুমোদন করেছে।

৪) দক্ষিণ ২৪ পরগণার মহেশতলা পুরসভার রবীন্দ্রনগরের কাছে বস্তি এলাকায় বিধ্বংসী অগ্নিকান্ডে প্রায় ১-শোটি রুপড়ি ভস্মীভূত।

৫) আজ বড়দিন। প্রভু যীশুর আবির্ভাব দিবস সারা রাজ্যে বিপুল উৎসাহ-উদ্দীপনায় উদযাপিত হচ্ছে।

বড়দিনে রাজ্যজুড়ে তাপমাত্রার পারদ নিম্নমুখী।

৬) বিজয় হাজারে ট্রফি ক্রিকেটে বাংলা আগামীকাল বরোদার মুখোমুখি হবে।

০০০০০০০০০০০০০০০০০০০০০০০০

প্রধানমন্ত্রী নরেন্দ্র মোদী বলেছেন, গত ১১ বছরে তাঁর সরকার দেশের প্রত্যেক নাগরিকের কল্যাণের জন্য কঠোর পরিশ্রম করেছে। জাতি, ধর্ম, বর্ণ নির্বিশেষে প্রতিটি মানুষই এই প্রকল্পগুলির সুবিধা পেয়েছেন। তিনি আজ প্রাক্তন প্রধানমন্ত্রী ভারতরত্ন অটল বিহারী বাজপেয়ীর ১০১তম জন্মবার্ষিকী উপলক্ষ্যে প্রধানমন্ত্রী রাষ্ট্র প্রেরণা স্থলের উদ্বোধন করেন, যা স্বাধীন ভারতের কৃতি ব্যক্তিদের ঐতিহ্যকে সম্মান জানাতে নির্মিত হয়েছে। এক জনসভায় প্রধানমন্ত্রী বলেন, তাঁর সরকারের প্রকল্পগুলি দেশের কোটি কোটি মানুষের উপকারে লাগছে। অটল বিহারী বাজপেয়ীকে স্মরণ করে তিনি বলেন, তাঁর উদ্যোগে দেশের উন্নয়নের চিত্র বদলে গেছে। শ্রী মোদী বলেন, গোটা দেশ আজ যখন বড়দিনের উৎসবে মেতে উঠেছে তখন এই একই দিনে ভারতের দুই কৃতি সন্তান ভারতরত্ন অটল বিহারী বাজপেয়ী এবং ভারতরত্ন মদনমোহন মালব্য জন্মগ্রহণ করেন। তাঁদের উদ্দেশ্য, আদর্শ ও লক্ষ্যকে সামনে রেখে গোটা ভারত পথ চলছে। রাষ্ট্রনির্মাণে তাঁদের এই অবদান দেশ মনে রেখেছে।

বাইট – প্রধানমন্ত্রী

প্রধানমন্ত্রী বলেন, দেশের উন্নয়নের চালচিত্র বদলে দিতে তাঁর সরকার একাধিক পদক্ষেপ নিয়েছে। বিশেষ করে, প্রধানমন্ত্রী গ্রাম সড়ক যোজনার কথা উল্লেখ করেন।

০০০০০০০০০০০০০০০০০০০০০০০০

প্রাক্তন প্রধানমন্ত্রী অটল বিহারী বাজপেয়ীর জন্মজয়ন্তী আজ এ রাজ্যেও যথাযথ মর্যাদায় পালিত হচ্ছে। দিনটি আজ ‘সুশাসন দিবস’ হিসেবেও পালন করা হয়। এই উপলক্ষ্যে কলকাতায় জাতীয় গ্রন্থাগারে এক অনুষ্ঠানে কেন্দ্রীয় প্রতিমন্ত্রী ও বিজেপির প্রাক্তন রাজ্য সভাপতি সুকান্ত মজুমদার বলেন, অটল বিহারী বাজপেয়ী দেশের

অনুষ্ঠানে বিরোধী দলনেতা শুভেন্দু অধিকারী বলেন, অটল বিহারী বাজপেয়ী দেশকে যে রাজনৈতিক দিশা দেখিয়েছেন তা অত্যন্ত গুরুত্বপূর্ণ। সর্বশিক্ষা অভিযান, মিড ডে মিল সহ যে প্রকল্পগুলি তিনি চালু করেছিলেন, তার গুরুত্ব অপরিসীম। পরমাণু শক্তিধর দেশ হিসেবে ভারতকে আত্মনির্ভর করার ক্ষেত্রে অটল বিহারী বাজপেয়ী এবং এপিজে আব্দুল কালামের অবদান অনস্বীকার্য বলে জানান শ্রী অধিকারী।

সুশাসন দিবস উপলক্ষে কলকাতায় দলের সদর কার্যালয়ে প্রাক্তন প্রধানমন্ত্রী অটল বিহারী বাজপেয়ীর প্রতিকৃতিতে পুষ্পার্ঘ্য অর্পন করে শ্রদ্ধা নিবেদন করেন দলের রাজ্য সভাপতি শমীক ভট্টাচার্য। তিনি বলেন, যুগ সন্ধিক্ষণে দ্বন্দ্ব ও ভেদাভেদ ভুলে সকল দলীয় কর্মী ঐক্যবদ্ধভাবে কাজ করলে দল আরও শক্তিশালী হবে।

(বাইট - শমীক)

○○○○○○○○○○○○○○○○○○○○○○○○○○○○○○○○○○○○○○

গ্রামীণ পরিকাঠামো ক্ষেত্রে ভারতের অন্যতম গুরুত্বপূর্ণ উদ্যোগ প্রধানমন্ত্রী গ্রাম সড়ক যোজনার আজ ২৫ বছর পূর্তি হয়েছে। ২০০০ সালের ২৫ শে ডিসেম্বর সারা দেশের সড়ক সংযোগ বিহীন গ্রামগুলিতে রাস্তা তৈরির জয় এই কর্মসূচী চালু করা হয়েছিলো। পরবর্তী সময়ে গ্রামাঞ্চলে কৃষির উন্নয়ন, কর্মসংস্থান বৃদ্ধি, শিক্ষা, স্বাস্থ্য, পরিষেবা প্রদান এবং দারিদ্য দূরীকরণের ক্ষেত্রে এই কর্মসূচী গুরুত্বপূর্ণ ভূমিকা নিয়েছে। ২০০০ সালে এই প্রকল্প চালু হওয়ার পর প্রধানমন্ত্রী গ্রাম সড়ক যোজনার আওতায় সাড়া দেশে ৭ লক্ষ ৮৭ হাজার কিলোমিটার গ্রামীণ সড়ক নির্মিত হয়েছে। চলতি বছরেই এই পরিমাণ ৮ লক্ষ ২৫ হাজার কিলোমিটার ছাড়িয়ে যাবে বলে আশা করা হচ্ছে। ২০২৫-২৬ অর্থবর্ষে এই প্রকল্পের জন্য প্রায় ১৯ হাজার কোটি টাকা বরাদ্দ করা হয়েছে।

000000000000000000000000000000

○○○○○○○○○○○○○○○○○○○○○○○○○○○○○○○○○○○○○○○○

ভারতীয় রেলওয়ে দক্ষিণ-পূর্ব রেলওয়ে (SER)-এর হাওড়া-খড়গপুর শাখায় অবস্থিত গুরুত্বপূর্ণ রেল সেতু পুনর্নির্মাণের জন্য ₹৪৩১ কোটি ৭৬ লক্ষ টাকার একটি বড় পরিকাঠামো প্রকল্প অনুমোদন করেছে।

এই প্রকল্পের আওতায় বিকল্প অ্যালাইনমেন্টে সেতুর সাবস্ট্রাকচার পুনর্নির্মাণের পাশাপাশি একটি নতুন ভায়াডাক্ট নির্মাণ করা হবে।

খড়গপুর শাখার সেতুটি গত ছয় দশকেরও বেশি সময় ধরে শক্ত ভিত্তির উপর দাঁড়িয়ে এই অংশে রেল পরিষেবা বহন করে আসছে। অনুমোদিত পুনর্নির্মাণের মাধ্যমে একটি আধুনিক ও মজবুত কাঠামো গড়ে তোলা হবে।

এই প্রকল্পের লক্ষ্য বর্তমান ও ভবিষ্যৎ পরিচালনাগত চাহিদা পূরণ করা।

○○○○○○○○○○○○○○○○○○○○○○○○○○○○○○

দক্ষিণ ২৪ পরগনার মহেশতলা পুরসভার ১০ নম্বর ওয়ার্ডে রবীন্দ্রনগর ময়লা ডিপো সংলগ্ন বস্তি এলাকায় আজ বিকেলে বিধ্বংসী অগ্নিকাণ্ডে প্রায় ১-শোটি রুপড়ি পুড়ে যায়। আগুন নেভানোর কাজে দমকলের পাঁচটি ইঞ্জিন ঘটনাস্থলে যায়। সন্ধ্যে ৬-টা নাগাদ আগুন নিয়ন্ত্রণে আসে। হতাহতের কোন খবর নেই। তবে, শীতের দিনে মাথার ছাদ হারিয়ে চরম দুর্দশায় পড়েছেন অসহায় পরিবারগুলি। আগুন লাগার কারণ জানতে তদন্ত শুরু করেছে প্রশাসন।

○○○○○○○○○○○○○○○○○○○○○○○○○○○○○○○○○○○○○○○○

পূর্ব বর্ধমানের কাটোয়ার ১ ব্লকের খাজুদিহি পঞ্চায়েতের বিকিহাট এলাকার বাসিন্দা বিএলও অমিত কুমার মন্ডল তিন দিন ধরে নিখোঁজ। তিনি কাটোয়া বিধানসভার ২৩ নং বুথের বিএলওর দায়িত্বে ছিলেন। পেশায় প্রাথমিক স্কুলের ঐ শিক্ষকের বাড়িতেই রয়েছে তাঁর পরিচয়পত্র, এসআইআর সংক্রান্ত কাগজপত্র। পরিবারের পক্ষ থেকে থানায় অভিযোগ দায়ের করা হয়েছে। পরিবার সূত্রে জানা গিয়েছে, গত মঙ্গলবার সকালে মিটিং আছে বলে বাড়ি থেকে বের হন। এসআইআর নিয়ে তিনি মানসিক চাপে ছিলেন বলে দাবি পরিবারের।

কাটোয়ার মহকুমাশাসক জানিয়েছেন, ঘটনার তদন্ত করে দেখা হচ্ছে।

মৃত্যুর খবর ছড়াতেই অভিযুক্তের বাড়িতে ভাঙচুর ও অগ্নিসংযোগের ঘটনা ঘটে। স্থানীয়দের একাংশ পুলিশের বিরুদ্ধে অসহযোগিতার অভিযোগ তোলে। পরিস্থিতি সামাল দিতে এলাকায় পুলিশ মোতায়েন করা হয়। এই ভাঙচুর ও অগ্নিসংযোগের ঘটনায় দু'জনকে গ্রেফতার করেছে বিষ্ণুপুর থানার পুলিশ। ঘটনার তদন্ত চলছে।

○○○○○○○○○○○○○○○○○○○○○○○○○○○○○○○○○○○○○○○○

○○○○○○○○○○○○○○○○○○○○○○○○○○○○○○○○○○○○○○○○

(ডিজল)

বছরের শেষে বড়দিন থেকেই রাজ্যজুড়ে শীতের প্রকোপ। কলকাতা সহ রাজ্যের বেশকিছু জায়গায় আজ এপর্যন্ত এমরশুমের শীতলতম দিন। আলিপুরে আজ সর্বনিম্ন তাপমাত্রা রেকর্ড করা হয় ১৩ দশমিক ৭ ডিগ্রী সেলসিয়াস। দিনের সর্বোচ্চ তাপমাত্রা ছিল স্বাভাবিকের চেয়ে প্রায় সাড়ে ৪ ডিগ্রী কম ২১ দশমিক ২ ডিগ্রী সেলসিয়াস। একটি প্রতিবেদন

বিজয় হাজারে ট্রফি ক্রিকেটে বাংলা আগামীকাল বরোদার মুখোমুখি হবে।
গুজরাতের রাজকোটের নিরঞ্জন শাহ স্টেডিয়ামে খেলা শুরু হবে সকাল ৯ টায়।

বাংলা ১ টি ম্যাচ জিতে ৪ পয়েন্ট নিয়ে গ্রুপ বি-র চতুর্থ স্থানে আছে। বরোদাও একই পয়েন্ট নিয়ে রান পার্থ্যকের কারণে গ্রুপের তৃতীয় স্থানে রয়েছে।

প্রতিযোগিতায় এর আগের ম্যাচে গতকাল বাংলা, বিদর্ভকে ৩ উইকেটে হারিয়ে দিয়েছে।

○○○○○○○○○○○○○○○○○○○○○○○○○○○○○○○○○○○○○○○○

